

**ZAVOD ZA JAVNO ZDRAVSTVO  
TUZLANSKOG KANTONA**

Broj: 07-135-10/16

Datum: 11.11.2016. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) direktorica Zavoda donosi

**O D L U K U**  
**o izboru najpovoljnijeg ponuđača u predmetu javne nabavke**  
**vakcine protiv sezonske gripe**

**I**

Prihvata se preporuka Komisije za javne nabavke broj 07-135-9/16 od 10.11.2016. godine i Ugovor o javnoj nabavci vakcine protiv sezonske gripe za potrebe Ugovornog organa dodjeljuje se ponuđaču „Pharma Maac“ d.o.o. Sarajevo sa ukupnom cijenom ponude od 64.083,82 KM sa PDV-om kao najpovoljnijem ponuđaču.

**II**

Ugovor o nabavci iz prethodnog člana ponudiće se izabranom ponuđaču nakon isteka roka od 15 dana od dana dostavljanja ove Odluke.

**III**

Odluka stupa na snagu danom donošenja.

**O b r a z l o ž e n j e**

Zavod za javno zdravstvo Tuzlanskog kantona pokrenuo je otvoreni postupak javne nabavke vakcine protiv sezonske gripe 07-135-2/16 od 19.10.2016. godine, koji je objavljen na portalu javnih nabavki pod brojem 1247-1-1-170-3-16/16 dana 19.10.2016. godine i u „Službenom glasniku BiH“ br. 79/16 od 21.10.2016. godine, a na osnovu Odluke o izdvajanju sredstava za Program vakcinacije stanovništva protiv sezonske gripe broj 05-0511-17-11/16 od 29.08.2016. godine, Saglasnosti Ministarstva zdravstva Tuzlanskog kantona za nabavku vakcine protiv gripe za sezonu 2016/2017 godinu broj 13/1-37-sl.170/16 od 30.09. 2016. godine i Odluke o pokretanju postupka javne nabavke vakcine protiv gripe Upravnog odbora Zavoda za javno zdravstvo Tuzlanskog kantona broj 02-767-1/16 od 14.10.2016. godine.

Obzirom da količina nabavke nije mogla biti definisana, a zbog specifičnosti nabavke, u tenderskoj dokumentaciji je predviđeno zaključenje okvirnog sporazuma sa jednim dobavljačem gdje maksimalan iznos okvirnog sporazuma i ugovor zaključen na osnovu istog ne smije preći utvrđeni maksimalni iznos okvirnog sporazuma od 64.100,00 KM sa uključenim PDV-om. Okvirni sporazum se zaključuje na period od dvanaest (12) mjeseci.

U roku za prijem ponuda pristigla je jedna ponuda ponuđača „Pharma Maac“ d.o.o. Sarajevo. Komisija je konstatovala da je ponuda blagovremena i ispravno zapečaćena. Nakon otvaranja ponude Komisija je utvrdila da ponuda iznosi 64.083,82 KM sa PDV-om. Komisija je zatim pristupila pregledu i ocjeni primljene ponude i konstatovala da ista sadržava svu traženu dokumentaciju i odgovara zahtjevima iz tenderske dokumentacije te je donešena odluka kao u dispozitivu.

**Dostaviti:**

1. Ponuđaču
2. a/a

